

19 DECEMBRIE

RUGACIUNEA 1

SF. CUVIOS

ILIE MUROMET DE LA PECERSKA

МОЛИТВА

О святыи предивный и преславный древний воин Христов земли русския, богохвальне Илие Муромче! Иже свыше приемый Богом дарованную тебе силу богатырскую на всяк час ополчатися в богомоцных земных ратоборствиях на врагов иноземных, ово же видимых, ово же злых духов невидимых, яже онде повсечастно ярятся на нас богоборством своим, богохульствием и злодействием и сквернят наше Отечество святорусское; иже тайно и явно строят ковы и хоцут пленити нас, еже аще возможно изжити веру православную и вконец погубити землю русскую и зловерьем своим попати нас под ярмо сатанинское! О Илие, Божий воине наш, ратоборче богорасленный! Не дай землю русскую бусурманити, не дай Церковь русскую жидовити, помогай нам в Божией истине стояти, богоратовати и врагов побеждати. Вемы,

якоже ты в богодвижных путях твоих орошаем и согреваем бысть благодатным огнем любви Христовой и в безкрайствии и в безведрии победил врагов Древней Руси, аще тии и кровь леденят в поединщиках, егда тыя быша в бранных побоищех. Научи же нас борению правому, умудри же нас православному благочестию навыкнути, буди нам скорым заступником! Ибо мы в благоверствии почитаем тя яко отца нам благоземлесроднаго и всегда к нам благодного, мужа кроткаго, землепашца трудолюбиваго, христианина незлопамятнаго, родителем сына послушливаго, странника благодтишнаго, благотерпеливаго и благопроходнаго; собеседника благоумильнаго идеже и правдолюбнаго, благороднаго, ратника благоискуснаго, единоборца непобедимаго и богоименитаго, сопутника благосерднаго, собеседника благоохотливаго и благословеннаго, вельми христолюбиваго, сына Отечества вернаго, великодушнаго, поединщика храборнаго, стражника неусыпнаго, друга вернаго, сооружника крепкаго, атамана благомужественнаго и богораннаго, не кичащагося своею силою но абие же благорослаго и благосличнаго; всегда богомудраго, немстительнаго, доброжелательнаго, сильнаго в слове и в деле. Ведаем тя и якоже благопреданнаго служителя

Государю Самодержцу Князю великому Киевскому, ему же ты не лукаво и не тщеславно служил еси, но со тщанием бо благоподчинно и благоотдатливо. Почитаем тя и якоже инока смиренномудраго, немногословного и zelo богомольнаго, зрим в тебе и отца духовнаго, черноризца преподобнаго, мученика богоязвеннаго и ожженнаго и велика человека земнаго богосветлаго, богоприемнаго; жителя небеснаго ангелолепнаго, раба Божиего; и ради толиких твоих великих добродетелей, коими благоистканна есмь душа твоя аможе духовной кольчугою или презельной броней ты защищающей, аще бысть покрывающей ты от летящих из ада стрел вражиих иже аще из шуией страны на тебе злонаправленных внутреуду от аггелов тьмы преисподней, аще убо извне от бесовских князей тьмы воздушной, яже непрестанно враждуют и вредят в человецех земных, або сердце, або ум, або душу. Сего ради, Илие Муромче, предвари нас подмогой твоею и споспешествуй нам аще сие молитвой святой Михаила Архангела и молитвой святаго Пророка Илии, благопотребной помощью великомученика Георгия воина, благодейством моления русских святых: благоверных князей страсотерпцев Бориса и Глеба, во святем крещении Романа и Давида; благодатным молебствием князя Петра, во иноцех Давида и княгини Февронии, во

инокинех Ефросинии Муромских, вкупе же и молитвами исповедников мучеников иже из града Чернигова: Михаила и аможе с ним боярина Феодора; родителя их святого благовернаго князя Константина, молитвами святого князя Георгия Мученика, яже Муромскаго и Владимирскаго, Божией помощию во Христе святых мучеников Иоанна воина и смоленскаго ратника Меркурия и твоим небодательным сердобольствием, Илие Муромче, защити и покрый нас, аки же щитом славы Божией, сохраняя от всечастных наветов вражиих и соделай нам души и сердца наша вдухотворными а не мертвыми и наполни нас любовью Божией, полнотою христианской веры и с небес низпошли нам твою богатырскую силу, да и мы одолеем врагов наших видимых паче же и невидимых, ибо ведаем тя якоже ангела благолепотнаго, якоже воеводу благонарочитаго, древнерусскими Божиими родами зельно любимаго и Небесным Творцом в преизрядных небесных наградах изпещреннаго и весьма богоодареннаго. Вемы, яко Бог Отец и Бог Дух Святой в тебе и тобою нам вельми благоденствует и спасение душ православным христианам, припавшим тебе, сотворяет, еже вси благовернии людие Божии не зазорно и праведно призывают имя Христа Бога нашего, Ему же, Царю царствующих и Господу

господствующих, всякая честь и поклонение подобает в Его благосиятельной славе всех истинно боголикующих и в богоблаженной радости Царство Спаса и Бога Христа воспевающих всегда, ныне и присно и во веки веков. Аминь.